

Universitätsbibliothek Paderborn

Cursus Theologico-Moralis

Ad usum Tyronum elucubratus, Et in Quotidianis Prælectionibus
Quoad ea, quæ Moralis Theologia disputat de Legibus, de Præceptis
Decalogi, de Restitutione, ac de Contractibus

Viva, Domenico

Patavii, 1723

Art. IV. Expediuntur, quæ supersunt de Censibus.

urn:nbn:de:hbz:466:1-40673

poteſt Cenſitor intra annum compelle Cenſuariū ad pretium folven- dum, redimendumque Cenſum. Na- var. tamen, Valent., Leſſ., & alii apud Bonac. contra Rebel., & Sal. putant non prohiberi Cenſus irredimibi- les, dummodo majori pretio eman- tur; alioquin damndi eſſent innume- ri Prælati Eccleſiaſtici, qui percipiunt Cenſus perpetuos, in quibus conſtituti, & fundati ſunt tituli Beneficio- rum; ut notat Bonac.: Qui addit, Cen- ſus redimibiles emi poſſe quanti reſ- valet, detracta tercia, vel quarta par- te ob gravamen redimendi in grava- men venditoris appoſitum; Verbi gra- tia, ſi reſ censita valeat centum quin- quaginta, & reddat quotannis ſeptem, vel octo aureos, poſteſt creari ſuper illa Cenſus redimibilis centum aureo- rum, vel centum & decem; Si tamen Cenſus eſſet irredimibilis, debet reſ censita emi, quanti valet, videlicet centum quinquaginta; aliquando tam- men minoris, verbi gratia centum qua- draginta; quia revera plus eſt habe- re plenum rei dominiū, quam ha- bere ſolum jus percipliendi certam pen- ſionem, quam reſ illa reddit. Notat- que pariter hic Bonac. ex Molin., Sal., Reginald., & aliis contra Navar., po- ſſe ex vi Bullæ in Cenſu apponi pa- ſtum, quod non redimetur per par- tes; alioquin. emptor damnum pater- retur recipiendo pretium per partes, immo maius damnum pateretur, quam Cenſuariū ob gravamen ſuum.

XII. Decima, quod pretium ſemel Cenſui conſtitutum non poſſit minui, vel augeri ob varias temporum, aut contrahentium qualitates; Sed redi- dum est emptori æquale pretium illi, quo ab initio fuīt emptus. Non videtur tamen negandum, quod Cen- ſus, qui non eſt liquidus, nec poſteſt absque laboribus exigi, poſſit pretio minori emi, ex Leſſ., Molin., Bonac.; Solum enim prohibetur, quod Cen-

fus emptus, verbi gratia, centum au- reis, deinde aliis vendatur alio pretio, idque ad vitandas oppreſſiones, quas Cenſum emptores facere ſolent, e- mendando Cenſus vili ab indigentibus pe- cunia, & illos revendendo majori pretio.

XIV. Pretium autem Cenſus in Re- gno Caſtellæ statutum a Philippo II. anno 1563. apud Sal. dub. 12. eſt pro uno quatuordecim, atque adeo nona- ginta octo pro ſeptem ſingulis annis: In Regno utriusque Sicilia statuit Ni- colaus V., ne minoris ematur, quam decem pro uno, ſeu non pluris fol- vantur quam decem pro centum: Phi- lippus tamen Secundus videns creviſſe ſic emptores, statuit pro Sicilia quin- que pro centum. Pro Germania etiam Carolus V., & Clemens VIII. pro ſtatuto Eccleſiaſtico auxerunt pretium Cenſus. Videndum tamen quid in u- naquaque Regione ſtatutum fit, quid- que ferat praxis, & judicium prudenti- um, & timoratorum.

In Italia, ut habet Sal. dub. 22. ut plurimum ſeptem emuntur pro cen- tum, & nunc temporis minoris; In Gallia octo cum dimidio; Et undecim, & duodecim pro centum, ubi viget negotiatio; quia pecunia praefens ibi multum æſtimatur, & Cenſus mino- ris; unde hujus pretium vilescit.

ARTIC. ULT.

Expediuntur, quæ ſupersunt de Cenſibus.

- I. Pii V. Bulla non obligat, ubi non eſt recepta. Num in Regno Neapolitanō recepta ſit?
- II. Praeſcriptio militat etiam in Cenſibus adverſus jus, quod habet Cenſitor exigendi penſiones.
- III. Immemorialis continuatio ſolvendi penſiones vim habet caufe, & titu- li, itant debeat continuari.

M 2 VI. Ia

IV. In dubio num res sit censuaria, an emphyteutica, censenda potius est esse censuaria.

V. Si dubitatur vero, num Census sit redimibilis, an irredimibilis, censendus redimibilis.

I. Quæritur primo: An Bulla Pii V. omnes obliget?

Respondeo illam non obligare, ubi non est recepta; Nam in Cap. *Si quando, De rescriptis*, dicitur, *Quando mandata, aut literæ Apostolicæ ad aliquorum Prælatorum, vel Principum manus pervenerint, integrum esse, si aliqua incommoda judicentur contine-re, Pontifici indicare, ut sua revoca-tione, & moderatione providere di-gnetur; Si autem taceat, censetur re-vocare, quia petitioni annuere, & con-sentire videtur. Sal. autem dub. 6. do-cet, in Regno Neapolis citra, & ultra Pharum non esse receptam: Nec est recepta Matriti; Rex enim dixit in comitiis habitis Matriti anno 1583. non esse receptam hanc Bullam, sed instantias necessarias Pontifici factas esse: Sicut autem per desuetudinem leges non amplius obligant, ita per non acceptationem; quamvis peccet qui sine causa illas non acceptat; pro-scripta siquidem est ab Alex. VII. thesi-s 28., quæ habet: *Populus non peccat, si absque ulla causa non recipiat legem a Principe promulgatam*. Verum qui-dem est, quod Pontifex possit omnes obligare lege sua, etiam si ea non ac-ceptetur; cum non a Communitate, ut Principes civiles, & Reges, sed a Christo Domino habeat vim conden-di leges; Suavitas tamen Ecclesiæ po-stulat, ut nolit Pontifex populum ob-ligare, quando legem ex justa causa non acceptat; Et hac de causa in Gal-lia non obligat Tridentinum quoad le-ges positivas ibi non acceptatas, quam-*

vis non possit non obligare omnes quoad dogmata, quæ in eo continen-tur.

II. Quæritur secundo: An in Censi-bus præscribi possit contra jus, quod habet Censor exigiendi pensiones; i-tau si spatio, verbi gratia, quadra-ginta annorum non sit soluta penso-bona fide, non amplius debeatur?

Respondeo cum Vega, & aliis apud Sal. dub. 45. affirmative. Ratio est, quia ex leg. *Omnis, Cod. de Prescrip-tione tringinta, vel quadraginta anni-rum* habetur, quod omne jus sine publicum, sive privatum præscriptione extinguitur quadraginta annorum spa-tio, & intervallo; quod etiam in redi-tibus annuis procedit, ex leg. *Eos, Cod. de Usuris*.

III. Eodem modo solutiones factæ a tempore immemoriali, quamvis nul-lam causam contineant, jure præscrip-tionis inducunt obligationem, ut in posterum fiant; quia illa immemorialis continuatio vim habet causæ, & ti-tuli ex Covar.: Si vero sint factæ per tempus non immemoriale, non valent ad inducendam obligationem titulo præscriptionis saltem in foro anime; quia forte datæ sunt ex benevolentia, vel ex alia causa, quæ non parit præscriptionem.

IV. Quæritur ultimo: Quid dicendum, quando dubitatur, sine res cen-suaria, an emphyteutica? Sitne Census redimibilis, an irredimibilis?

Respondeo ad primum, censendam esse rem censuariam; quia Census mi-nus gravat, quam emphyteusis; Nam res emphyteutica amittitur non soluta-pensione per certos annos.

V. Ad secundum vero dico, censem-dum esse redimibilem, propter eandem rationem, quia odia restringi debent, & in ambiguis, quod minus est, eli-gitur.

QUE-